

EFESIOS

Pablo Efeso marãrẽ õãdoredea

¹ Y_u Pablo, m_usãrẽ õãdoredea. Marĩp_u gããmederosũta Jesucristo y_ure ãgũyare buedoreg_u pími. Irasirig_u m_usãrẽ Efeso marãrẽ Marĩp_uy_uarãrẽ Jesucristore b_uremurãrẽ gojáa. ² Marĩp_u ããrĩnĩgũ, marĩ Op_u Jesucristo m_usãrẽ õãrõ iritam_u, siuñajãrĩ merã ããrĩrik_umakũ iriburo.

Marĩp_u, Cristo merã marĩrẽ õãrõ iritam_umi, ãrĩ gojadea

³ Us_uyari sĩrã marĩ Op_u Jesucristo Pag_ure! ãgũ marĩrẽ Cristoyarãrẽ ããrĩpereri ãm_ugasimarẽ, marĩya y_uj_up_urãrĩma õãrĩrẽ sĩdi ããrĩmĩ. ⁴ I ãm_u iriburi dupuyuro marĩrẽ Cristoyarã ããrĩmurãrẽ beyedi ããrĩmĩ ãgũ ãũrõ õãrã, waja opamerã ããrĩburo, ãrĩgũ. ⁵ Neõgoragueta ãgũ marĩrẽ maĩgũ ãgũ gããmederosũta Jesucristo iridea merã marĩrẽ: “Y_u p_urã ããrĩmakũ irig_ura”, ãrĩ beyepĩsiadi ããrĩmĩ. ⁶ Marĩp_u marĩrẽ b_uro bopoñarĩ merã ããsĩã, ãgũ magũ ãgũ maĩgũ merã marĩrẽ ãgũyarãrẽ õãrõ iridi ããrĩmĩ. Irasirirã ãgũrẽ us_uyari sĩnĩkõãrã! ⁷ ãgũ magũ boag_u, ãgũ dí béori merã marĩ ñerĩ iridea wajare wajaribosadi ããrĩmĩ. Irasirig_u Marĩp_u marĩrẽ b_uro maĩgũ, marĩrẽ bopoñarĩ merã ããgũ, marĩ ñerĩ irideare kãtidi ããrĩmĩ. ⁸ Marĩrẽ irire masĩburo, ãrĩgũ, ããrĩpereri masĩrĩ, pemasĩrĩdere sĩdi ããrĩmĩ. ⁹ ãgũ iriburire marĩ dupuyurogue masĩbirideare marĩrẽ masĩmakũ iridi ããrĩmĩ. Irasirig_u marĩrẽ: “Y_u gããmerõsũta us_uyari merã ããsũ irig_ura”, ãrĩdeare

masĩmakũ iridi aãrĩmĩ. ¹⁰ Īgũ: “Asũ irigũra”, aĩdeare iriripoe ejamakũ, aãrĩpereri irigukumi. Irasirigu aãrĩpererã umugasi aãrĩrãrẽ, i nikũ aãrĩrãdere Cristore Īgũsã Opũ aãrĩmakũ irigukumi.

¹¹ Iripoegueta Marĩpũ guare Cristo merã õãrõ aãrĩmurãrẽ beyesiadi aãrĩmĩ Īgũ sīgũra, aĩdeare opaburo, aĩgũ. Īgũ gããmederosũta i aãrĩpererire õãrĩ irigũra, aĩdeare irisiadi aãrĩmĩ. ¹² Guare Cristore bũremupũrorinerãrẽ irasiridi aãrĩmĩ. Īgũ guare wãri õãrĩrẽ irimakũ ĩãrã, ĩgũrẽ: “Õãtaria mũ”, aĩ, usũyari sĩa. ¹³ Marĩpũ, Cristo merã masakare tauri kerere mũsãde pėbũ. Iri diayema kerere pėrã, Cristore bũremunugãbũ. Irasirigu Marĩpũ mũsãrẽ Cristo merã õãrõ aãrĩmakũ iridi aãrĩmĩ. Īgũ iripoegue aĩderosũta Õãgũ deyomarĩgũrẽ mũsãrẽ iriudi aãrĩmĩ Īgũ merã ĩgũyarã aãrĩrĩrẽ masĩdoregũ. ¹⁴ Irasirigu Marĩpũ marĩrẽ ĩgũyarãrẽ tariwereperemakũ iridero pũrũ, ĩgũ iripoegue: “Sīgũra”, aĩdeare sīgukumi. Õãgũ deyomarĩgũ marĩ merã aãrĩgũ, Marĩpũ marĩrẽ: “Sīgũra”, aĩdeare marĩ opaburire masĩmakũ yãmi. Irasirirã Marĩpũre: “Õãtaria mũ”, aĩ, usũyari sĩnĩkõãrã!

Pablo Marĩpũre: “Cristore bũremurãrẽ mũyare masĩburo”, aĩ sěrėbosarire gojadea

¹⁵ Yũ mũsã õãrõ iririkũrere masĩa. Mũsã marĩ Opũ Jesũre õãrõ bũremua. Mũsã aãrĩpererã gajerã Marĩpũyarãrẽ maĩa. ¹⁶ Irasirigu yũ mũsãrẽ gũñagũ, Marĩpũre: “Õãtaria ĩgũsã irasũ aãrĩmakũ”, aĩ, ĩgũrẽ mũsãya aãrĩburire sěrėnĩkõãa. ¹⁷ Marĩpũ, marĩ Opũ Jesucristo Pagũ õãtarimi. Irasirigu yũ ĩgũrẽ mũsãya aãrĩburire asũ aĩ sěrėbosãa: “Gũapũ,

Ōãgũ deyomarĩgũ masĩrĩ sĩka, ĩgũsã m̄uyamarẽ pẽmasĩrĩ merã masĩnemoburo, ãrĩgũ!” ¹⁸ Marĩp̄, ĩgũyarã ããrĩmurãrẽ iripoegue ãrĩderosũta m̄usãrẽ ĩgũ beyepĩnerãrẽ sĩgukumi. Ōãtaria ĩgũ m̄usãrẽ sĩburi. Irasiriḡ ȳ Marĩp̄re: “Ĩgũsã gũñarĩgue ĩgũsãrẽ irire òãrõ pẽmasĩmakũ irika!” ãrĩ s̄r̄ea. ¹⁹⁻²⁰ Gajidere m̄usã òãrõ pẽmasĩburire s̄r̄ebosãa. Marĩp̄ ããrĩpererã nemorõ turaḡ ããrĩmi. ĩgũ turari merãta marĩ Jesucristore b̄remurãrẽ ĩgũ merã òãrõ ããrĩmakũ yãmi. ĩgũ iri turari merãta Cristo boadiguere masũ, ãm̄ugasigue ĩgũ diaye gap̄ doamakũ iridi ããrĩmĩ ĩgũrẽ ããrĩpererã Op̄ ããrĩdoreḡ. ²¹ ĩgũrẽ irogue doamakũ iriḡ, ããrĩpererã ãm̄ugasĩ, i nikũgue turarãrẽ, dorerãrẽ, oparãrẽ, noó gajerãrẽ dorerãnorẽ doreḡ wekam̄ ããrĩmakũ iridi ããrĩmĩ. Irasiriḡ Cristo ããrĩpererã dapora marã oparãrẽ, p̄rugue marã oparãdere doreḡ ããrĩmi. ²² Marĩp̄ ããrĩpererire, ããrĩpererãrẽ Cristo doka dujamakũ iridi ããrĩmĩ. Irasiriḡ Cristo, ããrĩpererã marĩ ĩgũrẽ b̄remurĩ bumarã Op̄, marĩ dipuru ããrĩmi. ²³ Marĩ ĩgũrẽ b̄remurĩ bumarã, suḡyarãta ããrĩsĩã, ĩgũya dup̄ irirosũ ããrã. ĩgũ ããrĩpererogue marĩ ããrĩpererã merã ããrĩnĩgũ marĩrẽ ããrĩpereri ĩgũyare opamakũ yãmi.

2

Marĩp̄ marĩrẽ maĩgũ taurimarẽ gojadea

¹ Iripoeguere Jesucristore b̄remuburo dupuyuro m̄usã ñerõ iririk̄, Marĩp̄ dorerire tarin̄gãnerã ããrĩbũ. Irasirĩã, Marĩp̄ ĩũrõrẽ boanerã irirosũ ĩgũ merã òãrõ ããrĩbirinerã ããrĩbũ.

² M̄usã i ãm̄ marã irirosũ ñerõ iriunanerã

ããrĩbú. Wătêa opu dorerire iriunanerã ããrĩbú. Īgãta i ùmu marã ããrĩpererã Marĩpu dorerire tarinugãrãrê doregu ããrĩmi. ³ Iripoeguere marĩ ããrĩpererã ñerĩ direta iriunanerã ããrĩbú. Irasirirã marĩ noó gããmerõ iriduarire, ñerĩ gũñarĩrê iriunanerã ããrĩbú. Irasirirã marĩde Marĩpũre bũro wajamoãsumurã ããrĩbonerã ããrĩbú. Gajerã peamegue wajamoãsumurã irirosũ marĩde wajamoãsumurã ããrĩbonerã ããrĩbú. ⁴ Marĩpu gapũ marĩrê bũro maĩgũ, bopoñarĩ opatarigu ããrĩmi. ⁵ Marĩ ñerõ iridea waja ĩgũ ĩũrõrê marĩ boanerã irirosũ ããrĩkerepũ, marĩrê Cristo merã õãrõ ããrĩmakũ iridi ããrĩmi. Īgũ Cristore masũ, dupaturi okamakũ iriderosũta marĩdere ĩgũ pũro perebiri okari sĩdi ããrĩmi. Irasirigu marĩrê bopoñarĩ merã ĩãsiã, taudi ããrĩmi.

⁶ Marĩpu Jesucristo boadiguere masũdi ããrĩmi. Masũ, ùmugasigue ĩgũ merã doamakũ iridi ããrĩmi ããrĩpererãrê doregu ããrĩburo, ãrĩgũ. Īgũrê masũderosũta marĩdere Cristoyarãdere masũ: “Ûmugasigue doarã ĩgũ merã dorerã ããrĩma”, ãrĩ ĩãdi ããrĩmi. ⁷ Īgũ, Jesucristo merã marĩrê wãro maĩrĩrê ĩmudi ããrĩmi. Pũruguerẽ ããrĩpererãrê ĩgũ marĩrê bopoñarĩrê masĩmakũ gããmegũ, irasiridi ããrĩmi. ⁸ Marĩpu marĩrê bopoñagũ, Cristore bũremumakũ, marĩrê taudi ããrĩmi. Marĩ basi marĩ iridea merã neõ taribirikoa. Marĩpu marĩrê taudea: ĩgũ marĩrê wajamarĩrõ sĩdea, ĩgũ marĩrê iribosadea ããrã. ⁹ Marĩ õãrõ iririre ĩãgũ meta taudi ããrĩmi marĩrê. Irasirirã marĩ basi: “Yũ õãrõ iridea waja Marĩpu yũre taumi”, ãrĩmasĩbirikoa. ¹⁰ Marĩ, Marĩpu irinerã ããrã. Īgũ marĩrê Jesucristoyarã

ããrĩdoregũ, irasiridi ããrĩmĩ. Iripoegue marĩ òãrõ iriburire gũñasiadi ããrĩmĩ. Irasirigũ marĩrẽ Jesucristoyarãrẽ ire pídi ããrĩmĩ òãrĩrẽ iridoregũ.

Marĩ, Jesucristo merã òãrõ usũyari opáa, ãrĩ go-jadea

¹¹ Mũsã iripoegue ããrĩrikũdeare òãrõ gũñaka! Gũa mũsãrẽ, judío masaka ããrĩmerãrẽ, mũsã ãmaya dupũma gasirogãrẽ wiiribiri waja: “Marĩpũyarã ããrĩbea”, ãrĩ ããturiunanerã ããrĩbũ. Gũa judío masaka gapũ irasũ wiirisũnerã: “Marĩpũyarã ããrã”, ãrĩ gũñakerepũ, iri wiiridea marĩrẽ ãgũyarã waamakũ iribea. ¹² Iripoeguere Marĩpũ iriudi Cristore mũsã bũremubirinerã ããrĩbũ. Irasirirã mũsã Israel bumarã merã ããrĩbirinerã ããrĩbũ. Marĩpũ Israel bumarãrẽ: “ãgũsãrẽ òãrõ irigũra. ãgũsã Opũ ããrĩgũra. Yaarã ããrĩrãkuma”, ãrĩ pídeare opabirinerã ããrĩbũ. Irasirirã mũsã: “Marĩpũ gũare taugũkumi”, ãrĩmasĩbirinerã ããrĩbũ. Marĩpũ merã òãrõ ããrĩbirinerã ããrĩbũ. ¹³ Mũsã iripoegue Marĩpũre masĩbirinerã ããrĩkererã, daporare mũsã Jesucristore bũremurã ãgũyarãta ããrã. ãgũ boari, ãgũ dí béori merã Marĩpũ mũsãrẽ ãgũrẽ masĩrã, ãgũyarã waamakũ iridi ããrĩmĩ. ¹⁴ Gũa judío masaka, mũsã judío masaka ããrĩmerã merã pe bumarã ããrĩkerepũ, Cristo iridea merã marĩrẽ sugũ pũrãta ããrĩmakũ iridi ããrĩmĩ. Irasirigũ marĩ basi gãme ããturideare pirimakũ iridi ããrĩmĩ. Irasirigũ Cristo marĩrẽ ãgũyarãrẽ siuñajãmakũ yãmi. ¹⁵ Cristo curusague boagũ: “Marĩpũ merã òãrõ ããrĩduarã, ããrĩpereri ãgũ Moisére doreri pídeare iripeoka!” ãrĩdeare peremakũ iridi ããrĩmĩ. Irasirigũ Cristo marĩrẽ ãgũyarãrẽ pe

bumarã ããrĩnerãrẽ su bumarãta ããrĩmakũ iridi ããrĩmĩ. Iri merãta marĩrẽ siuñajãrĩ merã õãrõ ããrĩmakũ iridi ããrĩmĩ. ¹⁶ Ìgũ curusague boari merã marĩ pe bumarã gãme ìãturideare pirimakũ iridi ããrĩmĩ. Irasirigũ marĩrẽ pe bumarã ããrĩnerãrẽ, Marĩpũyarã ìgũ merã õãrõ ããrĩmakũ iridi ããrĩmĩ.

¹⁷ Cristo, Marĩpũ merã marĩ õãrõ ããrĩburi kerere weregũ aaridi ããrĩmĩ. Mũsãrẽ judío masaka ããrĩmerã Marĩpũre masĩbirinerãrẽ, gũare judío masaka Marĩpũ Moisere doreri pĩdea oparãdere weregũ aaridi ããrĩmĩ, marĩ ããrĩpererã Marĩpũ merã siuñajãrĩ bokaburo, ãrĩgũ. ¹⁸ Irasirirã Cristo merã, irasũ ããrĩmakũ Õãgũ deyomarĩgũ iritamurĩ merã marĩ ããrĩpererã judío masaka, judío masaka ããrĩmerãde Marĩpũ marĩ merã ããrĩmakũ ìgũrẽ sãrẽmasĩa. ¹⁹ Irasirirã daporare mũsã gajero marã irirosũ ããrĩbea. Mũsãya nikũrẽ ããrĩmerã irirosũ ããrĩbea. Mũsã, gũa merã su makã marã irirosũ, Marĩpũyarãta ããrã. Irasirirã sugũ pũrãta ããrã marĩ.

²⁰ Mũsã, gũa merã Jesucristore bũremurã, Marĩpũ moãrĩ wii irirosũ ããrã. Iripoegue Marĩpũya kerere weredupuyurimasã ìgũyare gojapũrorinerã ããrĩmã. Pũrũ Jesucristo buedoregũ pĩnerã ìgũyare werenerã ããrĩmã. Mũsã, ìgũsã gojadeare buedero pũrũ, ìgũsã weredeare pãdero pũrũ, Jesucristore bũremunũgãbũ. Jesucristo, Marĩpũya wiima weanũpũrorideã ùtãyeri irirosũ ããrĩmĩ. Marĩpũyare gojapũrorinerã, Jesucristo buedoregũ pĩnerã, gaji weanũdea ùtãyeri irirosũ ããrĩma. ²¹ Jesucristo gajerãdere ìgũrẽ bũremumakũ yãmi Marĩpũyarã ããrĩburo, ãrĩgũ. Ëtãyeri merã wiire peoturiamũrĩagũ keoro

weanúrĩ wiire irirosũ irigu yámi. Irasirigu marĩrẽ gajerã Marĩpɥyarã merã õãrõ gãmesurimakũ yámi. Aãrĩpererã marĩ, ĩgũsã merã Marĩpɥyarã aãrĩsĩã, ĩgũ aãrĩrĩ wii irirosũ aãrĩrãkoa. ²² Irasũ aãrĩmakũ mʊsãde, gajerã Jesucristore bʊremurã aãrĩpererã merã Marĩpɥyarã aãrã. Irasirirã Marĩpɥ moãrĩ wii, ĩgũ aãrĩrĩ wii irirosũ marĩ aãrã. Marĩpɥ, Oãgũ deyomarĩgũ merã marĩ merã aãrĩmi.

3

Pablo judío masaka aãrĩmerãrẽ Jesucristoya kerere weredeã

¹ Yɥ Pablo, Jesucristoya kerere mʊsãrẽ judío masaka aãrĩmerãrẽ weredeã waja peresugue aãrã. Marĩpɥ, Jesucristo merã mʊsãdere ĩgũyarã aãrĩmakũ yámi. Irasirigu yɥ mʊsãya aãrĩburire s̄erẽbosãã ĩgũrẽ. ² Mʊsã ire masĩsiãã. Marĩpɥ mʊsãrẽ bopoñagũ, Jesucristoya kerere buedoregũ yure pĩmi mʊsã õãrõ irigu. ³ Marĩpɥ, ĩgũ Cristo merã iriburire, iripoegue marã masĩbirideare yure masĩmakũ irimi. Mʊsãrẽ irire m̄erõ gojasiabɥ. ⁴ Yɥ gojadeare buerã, Marĩpɥ, ĩgũ Cristo merã iriburire yɥ masĩdeare mʊsãde masĩrãkoa. ⁵ Marĩpɥ, ĩgũ Cristo merã iriburire iripoegue marã gapɥre masĩmakũ iribiridi aãrĩmĩ. Dapora gɥã gapɥre Jesucristoyare wererimasãrẽ, ĩgũya kerere weredupuyurimasãdere Oãgũ deyomarĩgũ merã masĩmakũ yámi. ⁶ Aũ aãrã Marĩpɥ iriburi, iripoegue marã masĩbirideã. Gɥã judío masaka, mʊsã judío masaka aãrĩmerãde Marĩpɥ masakare tauri kerere bʊremumakũ, gɥare, mʊsãdere Jesucristoyarã aãrĩmakũ yámi. Marĩrẽ sugũ pũrãta

ãārĩmakũ yámi. Irasirigu Marĩpu judío masakare: “Ãsũ sĩgũra”, ãrĩpũroriderosũta marĩrẽ ãārĩpererã Cristoyarãrẽ õārĩrẽ sĩgũkumi.

⁷ Marĩpu Jesucristoya kerere buedoregũ yũre pídi ãārĩmĩ. Yũre õārõ iri, ĩgũ turarire sĩdi ãārĩmĩ iri kerere õārõ wereburo, ãrĩgũ. ⁸ ãārĩpererã gajerã Marĩpũyarã yũ nemorõ ãārĩma. Irasũ ãārĩkererũ, Marĩpu yũre õārõ iri, judío masaka ãārĩmerãrẽ Jesucristoya kerere buedoregũ pími. Irasirigu: “Cristo õatarigu ãārĩmi, ĩgũ marĩrẽ sĩburi õatariri ãārã”, ãrĩ werea ĩgũsãrẽ. Ire neõ pémasĩbokajaya máa marĩrẽ. ⁹ Marĩpu yũre pígu: “Ãsũ taugũkoa judío masaka ãārĩmerãdere”, ãrĩ gũñadupuyudeare yũre weredoremi. ĩgũta ãārĩpereri i ãmũmarẽ iridi, iripoegue marãrẽ ĩgũ judío masaka ãārĩmerãrẽ Cristo merã tauburire werebiridi ãārĩmĩ. Daporague yũre weredoremi ãārĩpererã masakare irire masĩdoregũ. ¹⁰ Marĩpu marĩrẽ Jesucristore bũremurãrẽ su bumarã ĩgũyarãta ãārĩmakũ iririre ĩãrã, ãmarõ marã dorerã ĩgũrẽ wereboerã, wãtẽade, ĩgũ ãārĩpereri masĩpeogu ãārĩrĩrẽ masĩrãkuma. ĩgũsãrẽ irire masĩmakũ gããmemi Marĩpu.

¹¹ I ãmũ iriburo dupuyurogueta Marĩpu ĩgũ gããmederosũta marĩrẽ: “Yaarã ãārĩmurã ãārĩma”, ãrĩdeare marĩ Opũ Jesucristo merã iriyuwarikũdi ãārĩmĩ. ¹² Marĩ Cristore bũremurã ĩgũ merã õārõ ãārĩsĩã, gũiro marĩrõ gũñaturari merã Marĩpũre sêrẽmasĩã. ¹³ Yũ mũsãrẽ Jesucristoya kerere were-dea waja peresugue poyari merã ãārã. Mũsã õārõ ãārĩburire iri kerere werebũ. Irasirirã mũsã yũ poyarire gũñarã, bũjawereri merã ãārĩbirikõãka!

Poyakeregu, Marĩpu musãrẽ õãrõ irideare gajerãrẽ masĩmakũ yáa.

Cristo marĩrẽ buru maĩgũ ããrĩmi, ãrĩ gojadea

¹⁴ Irasirigu Marĩpu, marĩ Opu Jesucristo Pagu ããrĩpereri irideare yu gũñagũ, ĩgũ ĩũrõrẽ yaa ñadukupuri merã ejamejã, ĩgũrẽ: “Õãtaria mu”, ãrĩ, usuyari sĩa. ¹⁵ ĩgũta ããrĩpererã ĩgũyarã umugasigue ããrĩrã, i nikũgue ããrĩrã Pagu ããrĩmi. ¹⁶ ĩgũta turatarigu ããrĩmi. Irasirigu yu musãya ããrĩburire ĩgũrẽ sërẽbosáa musãguere Õãgũ deyomarĩgũ merã ĩgũ turarire opaburo, ãrĩgũ. ¹⁷ Musã Cristore buremumakũ, ĩgũ musãguere õãrõ ããrĩnikõãburo, ãrĩgũ, sërẽa. Gaji sërẽbosáa Cristo musãrẽ buru maĩrĩrẽ masĩsã, gajerãrẽ maĩburo, ãrĩgũ. ¹⁸ Irasirigu musãrẽ, ããrĩpererã gajerã ĩgũrẽ buremurãdere Cristo marĩrẽ buru maĩrĩrẽ pemasĩdoregu, sërẽbosáa. Cristo marĩrẽ maĩrĩrẽ neõ keomasĩña máa. “Õõpã eyaro, yoaro, umarõ, ukũãrõ ããrã”, neõ ãrĩ masĩña máa. ¹⁹ Cristo marĩrẽ maĩrĩrẽ marĩ neõ masĩpeobirikerepuu, yu musãya ããrĩburire Marĩpũre sërẽbosagu: “Ire ĩgũsãrẽ õãrõ masĩnemomakũ irika!” ãrĩ sërẽa. Irasirirã marĩ ire masĩpeorã, Marĩpuyamarẽ masĩpeorãkoa.

²⁰ Irasirirã Marĩpũre: “Ãsũ iribosaka guare!” ãrĩ sërẽmakũ, marĩ sërẽrĩ nemorõ irimasĩmi. Marĩ basita: “Ãsũpero iriburo ĩgũ”, ãrĩ gũñamakũ, marĩ gũñarĩ nemorõ irimasĩmi. ĩgũ turagu ããrĩsĩã, ĩgũ turari marĩrẽ sĩa merã irire iribosami. ²¹ Irasirirã Jesucristoyamarẽ, ĩgũrẽ buremurĩ bumarã marĩ ããrĩrĩrẽ masĩrã, ããrĩpererinũrĩ ããrĩpererã Marĩpũre: “Õãtaria mu”, ãrĩ, usuyari sĩburo. ããrĩpererã dapora

marã, p̄r̄ugue marãde neõ ìgũrẽ us̄yari s̄ĩrĩrẽ
piribirikõãburo. Irasũta ããrã.

4

*Marĩ Cristoyarã Õãgũ deyomarĩgũ merã su bu-
marãta ããrã, ãrĩ gojadea*

¹ Yũ marĩ Op̄ya kerere weredeã waja pere-
sugue ããrĩgũ, turaro merã ãsũ werea musãrẽ
doja. Marĩp̄ũ musãrẽ siiudi ããrĩmĩ ìgũyarã ããrĩburo,
ãrĩgũ. Irasirirã ìgũ musãrẽ: “Ãsũ irika, yaarã
ããrĩsã!” ãrĩdeare õãrõ irika! ² “Gajerã nemorõ
ããrã”, ãrĩ gũñabirikõãka! Gajerãrẽ õãrõ merã irika!
Guari marĩrõ gajerãrẽ bopoñarĩ merã ìãka! Gajerã
musãrẽ garibokerep̄ũ, ìgũsãrẽ maĩrĩ merã ìãka!
³ Õãgũ deyomarĩgũ iritamurĩ, ìgũ musãrẽ siuñajãrĩ
pĩri merã suro merã õãrõ ããrĩrikuka! Musã
irasũ ããrĩrĩrẽ piriro marĩrõ ããrĩnikõãka! ⁴ Marĩ
Jesucristoyarã su bumarã ããrĩsã, ìgũya dup̄ũ
irirosũ ããrã. Õãgũ deyomarĩgũ suguta ããrĩgũ, ìgũ
sugũ masakũ merã ããrĩrõsũ marĩ ããrĩpererã merã
ããrĩmi. Marĩp̄ũ marĩ ããrĩpererãrẽ ãm̄ugasigue
perebiri okari s̄ĩbu, siiudi ããrĩmĩ. ⁵ Marĩ Op̄ũ Jesu-
cristo marĩ b̄remugũ suguta ããrĩmi. Marĩrẽ deko
merã wãiyeride su wãita ããrã marĩ ìgũyarã ããrĩrĩrẽ
ĩmuburi. ⁶ Marĩp̄ũ suguta marĩrẽ iridi ããrĩmi. ìgũta
marĩ ããrĩpererã Op̄ũ ããrĩmi. Marĩ ããrĩpererã merã
ããrĩmi. Irasirigũ ìgũ gããmederosũta marĩ ããrĩpererã
merã ããrĩpererire õãrõ yãmi.

⁷ Marĩ su bumarã ããrĩkerep̄ũ, Cristo marĩ
ìgũyarãrẽ masakakure Marĩp̄uyare irimasĩburire
dukawa pĩdi ããrĩmĩ. Irasirigũ ìgũ dukawa
pĩderosũta keoro marĩ gãme iritamumakũ yãmi.

⁸ Cristo ĩgũ i nikũgue aariburo dupuyuroguere  sũ gojasũdero   rĩb  Marĩpũya werenĩrĩ gojadea pũgue:

Ĩgũr  ĩaturir r  tarinug dero puru,  mugasigue marĩak agukumi. Irasirigu masakare i nikũgue   rĩr r    rĩr  sĩgukumi,  rĩ gojasũdero   rĩb .✧

⁹ ĩgũ  mugasigue marĩarire  rĩ gojadea,  sũ  rĩduaro y a. Jesucristo  mugasigue marĩaburi dupuyuro i nikũgue dijari,  ogue   rĩdi   rĩmĩ. ¹⁰ ĩgũta i nikũgue   rĩdi,  mugasigue Marĩpũ   rĩr ogue marĩak adi   rĩmĩ. Irasirigu   rĩpererogue   rĩgũ,   rĩperer r  doregu   rĩmĩ. ¹¹ Irasirigu marĩ ĩgũyar r  masakakure Marĩpũyare irimasĩburire pidi   rĩmĩ   r  g me iritamuburo,  rĩgũ. Sur yerire beyepidi   rĩmĩ ĩgũyare buedoregu. Gajer r  Marĩpũ weredoredeare wererimas    rĩmur r , ĩgũ masakare tauri kerere weregorenarĩmas    rĩmur r , ĩgũyar r  korerimas    rĩmur r , ĩgũyar r  buerimas    rĩmur r  beyepidi   rĩmĩ. ¹² Irasũ beyepidi   rĩmĩ marĩ ĩgũyar  g me iritamuburo,  rĩgũ. Irasirir  marĩ ĩgũyar  su bumar , ĩgũya dupũ irirosũ   r  turar  mas r sũ ĩgũr  buremuturaw g nemor koa.

¹³ Irasirir  marĩ   rĩperer  surosũ Cristore buremur , mas  odor  irirosũ   rĩpereri ĩgũ, Marĩpũ magũ   rĩr r  nemor    r  masĩr koa. Irasirir  marĩde Cristo irirosũ   rĩrikur koa.

¹⁴ Majĩr g  irirosũ   rĩr  meta, p masĩr koa. Irasirir  marĩr   rĩgatomer r  buemakũ p r ,

✧ 4:8 Sal 68.18

diayema ããrĩrĩrẽ b̄remurĩrẽ pirimerã: “Ìgũsã maama bueri, diaye ããrã”, ãrĩ b̄remubirikoa. ¹⁵ Marĩ gãme maĩrĩ merã diayema ããrĩrĩrẽ werero gããmea. Irasirirã majĩrãgã masã pẽmasĩrõsũta marĩde marĩ Op̄u Cristo marĩ dipuru ããrĩgũ merã Marĩp̄uyare õãrõ pẽmasĩrãkoa. ¹⁶ Marĩ ìgũyarã su bumarã ããrĩsĩã, ìgũya dup̄u irirosũ ããrã. Suḡu masak̄u turaḡu masã, ããrĩpereri ìgũya dup̄uma merã õãrõ irimasĩmi. I irirosũ, Cristo marĩ masakak̄ure: “Ãsũ iriburo”, ãrĩ dukawa pídeare irirã, marĩ ããrĩpererã õãrõ gãme iritamumasĩa. Irasirirã gãme maĩrã, gãme iritamurã, nemorõ turaro merã Cristoyare õãrõ iriwãgãnemorãkoa.

*Marĩp̄u Cristoyarãrẽ maama ããrĩrik̄urire opa-
makũ iridi ããrĩmi, ãrĩ gojadea*

¹⁷ Irasiriḡu ȳu marĩ Op̄u Cristo dorero merã m̄sarẽ ãsũ ãrĩ werea. Marĩp̄ure masĩmerã gap̄u noó gããmerõ gũñamoãmakõãma. Ìgũsã irirosũ neõ irinemobirikõãka! ¹⁸ Ìgũsã Marĩp̄uyare pẽduabema. Irasirirã irire neõ pẽmasĩbirigorakõãma. Ìgũsãya gũñarĩguere b̄uro naĩtĩãrĩ oparã irirosũ ããrĩma. Irasirirã Marĩp̄u merã õãrõ ããrĩburire ìgũ sĩrĩrẽ neõ opabema. ¹⁹ Ñerĩrẽ irirã, neõ ḡuyasĩrĩbirigorakõãma. ããrĩpereri ñerĩ ùaribejarire neõ pirid̄uaro marĩrõ ñerĩ diretta iririkurã yãma. ²⁰ Cristoya bueri gap̄u, m̄sarẽ ìgũsã irirosũ ñerõ iririre iridoreri máa. ²¹ M̄sã ìgũya diayema buerire pẽrã: “Jesús diayeta ãsũ ããrĩmi, diayema ããrĩrĩrẽ buemi”, ãrĩ masĩkuyo. ²² Iripoeguere m̄sã ñerĩ ùaribejari iririre: “Õãgorãa”, ãrĩ gũñarã, m̄sã basita

ãrĩgatonerã ããrĩbú. Iri ñerĩrẽ irirã, mʉsã basita poyanorẽnerã ããrĩbú. Irasirirã mʉsã iripoegue ããrĩunaderosũta ããrĩnemobirikõãka! ²³ Mʉsã ñerĩ direta gũñaunadeare pirikõãka! Õãrĩ gũñarĩ gapure gorawayuro gããmea mʉsãrẽ. ²⁴ Marĩpʉ ãgũ gããmederõsũta marĩrẽ maama ããrĩrikurire opamakũ iridi ããrĩmĩ ãgũ irirosũ diayema irirã, ãgũ iũrõ õãrã ããrĩburo, ãrĩgũ. Irasirirã, surĩro boari dariñe bẽo, maama surĩro õãrĩñe gorawayu sãñarã irirosũ, iripoegue ñerĩ iriunadeare piri, maama iririkurire gorawayu irika!

²⁵ Marĩ Cristoyarã ãgũ dupʉ irirosũ ããrĩrã, su bumarã ããrã. Irasirirã marĩ basi neõ gãme ãrĩgatonemobirikõãrã! Marĩ merãmarãrẽ ãrĩgatoro marĩrõ diaye wererã!

²⁶ Gajerã merã guarã, ãgũsãrẽ ñerõ iribirikõãka! Irinʉ merãta ãgũsã merã guarire pirikõãka! ²⁷ Wãtĩ mʉsãrẽ gajerã merã guamakũ iririre kãmutaka! ²⁸ Yajarikʉgʉ ããrĩdi neõ dupaturi yajabirikõãburo. Õãrĩ moãrĩ gapure moãburo, ãgũ moã wajatari merã gajerã boporãrẽ iritamubu.

²⁹ Neõ ñerõ werenĩrĩrẽ werenĩbirikõãka! Õãrĩ gapʉ direta werenĩka! Mʉsã werenĩrĩ merã gajerãrẽ iritamuka! Irasirirã mʉsã õãrĩ werenĩrĩrẽ pẽrã, ãgũsãde õãrõ ããrĩrikurãkuma. ³⁰ Marĩ ñerĩrẽ irirã, ñerõ werenĩrã, Õãgũ deyomarĩgũrẽ bujaweremakũ irirãkoa. Irire iribirikõãka! Õãgũ deyomarĩgũ marĩrẽ: “Marĩpʉyarã ããrã”, ãrĩ masĩmakũ yãmi. Irasirirã marĩ masĩa. Marĩpʉ, Jesucristo merã marĩrẽ taurinʉ ejamakũgue õãrõ taugorakõãgʉkumi.

³¹ Irasirirã müsã gajerã merã suyubirire, ïgüsã merã guataririre, ñerõ gainírĩ merã gãme turirire, ñerõ arĩ buridarire pirikõãka! Irasirirã ããrĩpereri ñerõ iririre pirika! ³² Asũ gapu irika! Bopoñarĩ merã gãme õãrõ iritamuka! Marĩpu marĩrẽ Cristo merã marĩ ñerĩ irideare kãtiderosũta müsãde gajerã müsãrẽ ñerõ irideare kãtika!

5

Marĩpu pũrã ããrĩrã asũ ããrĩrikuro gããmea, arĩ go-jadea

¹ Mũsã Marĩpu pũrã, ïgũ maĩrã ããrã. Irasirirã ïgũ irirosũ ããrĩrikuro gããmea. ² Cristo marĩrẽ maĩrõsũta müsãde gajerãrẽ maĩka! ïgũ marĩrẽ maĩgũ ïgũ basita ïgũrẽ wẽjẽduarãguere wiadi ããrĩmĩ marĩrẽ boabosabu. ïgũ boabosagu, judío masaka oveja majĩgũrẽ wẽjẽ, Marĩpu iũrõrẽ soepeosũdi irirosũ ããrĩdi ããrĩmĩ. Irasirĩgu ïgũ irasiriri merã Marĩpũre usuyamakũ iridi ããrĩmĩ.

³ Irasirirã Marĩpũyarã ããrĩrã, müsã marãposã nome ããrĩmerãrẽ, marãpusãmarã ããrĩmerãrẽ neõ ñerõ gãmebiragorenabirikõãka! ããrĩpereri guyasĩũrĩ ñerõ iririre neõ iribirikõãka! Gajerãyare haribejabirikõãka! Neõ mérõgã ñerõ iririre iribirikõãka! ⁴ Guyasĩũrõ werenĩrẽ werenĩbirikõãka! Pémasĩmerã irirosũ werenĩmoãmañirikõãka! Ñerĩrẽ arĩ buridabirikõãka! Asũpero gapu werenĩka! Marĩpũre: “Õãrõ yãa mu guare”, arĩ, usuyari sĩka! ⁵ Ire õãrõ masĩka müsã! Gajigu marãpo merã ñerõ iririkurã, gajego marãpu merã ñerõ iririkurã, guyasĩũrõ ñerĩrẽ iririkurã, Marĩpũyarã ããrĩbema.

Gajerāyare ɯaribejarikɯrāde Marīpɯyarā āārībema. Īgūsā gajino gapɯre Marīpɯre gāāmerō nemorō gāāmerā, keori weadeare bɯremurā irirosū yāma. Marīpɯ gapɯre bɯremubema. Irasirirā Marīpɯ ĩgɯyarārē doreroguerē neō waabirikuma. Irogue Cristo merā neō āārībirikuma. ⁶ Gajerā mɯsārē ĩgūsā ñerō irideare: “Āsū irimakū oāgorāa”, ārīgatorire pébirikōāka! Marīpɯ, ĩgūsā irasū ñerō iri, ĩgū dorerire tarinɯgārī waja ĩgūsārē perebiri peamegue wajamoāgɯkumi. ⁷ ĩgūsā ñerī irirā merā neō ñerīrē iriwekabejabirikōāka!

⁸ Marī Opɯyarā mɯsā āārīburo dupuyuro ñerīrē irirā, ĩgūrē masīmerā naītīārōgue āārīrā irirosū āārīnerā āārībɯ. Dapora gapɯre ĩgūrē masīrā ĩgɯyarā āārīsīā, boyorogue āārīrā irirosū āārā. Irasirirā ĩgū ĩūrō oārīrē iririkɯka! ⁹ Boyorogue āārīrāno, oārīrē, Marīpɯ dorerire, diayemarē irirākuma. ¹⁰ Irasirirā marī Opɯyare oārō bueka, ĩgūrē ɯsɯyamakū iririre irimurā! ¹¹ Ñerī iririkɯrā, naītīārōgue āārīrā irirosū āārīma. ĩgūsā irirosū neō iribirikōāka! Āsū gapɯ irika! ĩgūsā ñerō iririre: “Ñegorāa”, ārī wereka, ĩgūsārē irire masīdorerā! Mɯsā wererire pérā, boyorogue āārīrā irirosū ñerō irideare piri, oārī gapɯre irirā dujarākuma. ¹² Masaka ĩāberogue ĩgūsā ñerō iriboedeare marī werenīmakū gɯyasīūgorāa. ¹³ Boyorore āārīpereri ĩāmasīsūa. Marī ĩgūsā ñerō iririre: “Ñegorāa”, ārīmakū, ĩgūsā ñerō iririkɯrere masīrākuma. ¹⁴ Irasirirā gajerā sugu ñerō iririkɯgɯnorē āsū ārī werema:

Mɯ pémasībi, kārīgū irirosū āārā. Yobe, pémasīka!
Cristo merā oārō āārībi, boanerā merā

ããrĩgũ irirosũ ããrã.

Irasirigũ wãgãnũgã, ĩgũ merã õãrõ ããrĩka! Mũ irasirimakũ, Cristo mũrẽ boyorogue ããrĩmakũ irirosũ ĩgũyare masĩmakũ irigũkumi.

¹⁵ Irasirirã õãrõ pémasĩka, õãrĩrẽ irimurã! Marĩpũyare masĩmerã irirosũ iribirikõãka! ĩgũya gapũre õãrõ masĩka! ¹⁶ Dapora marã masaka ñerĩ iririkũma. Irasirirã mũsã okarinũrĩrẽ Marĩpũ gããmerĩ direta irika, gajerãde ĩgũyare masĩburo, ãrĩrã! ¹⁷ Pémasĩmerã irirosũ iririkũbirikõãka! Marĩpũ gããmerĩrẽ õãrõ pémasĩduaka, irire irimurã! ¹⁸ Irasirirã mejãbirikõãka! Mejãrã ĩgũsã basita poyanorẽma. Mejãrõnorẽ irirã, Õãgũ deyomarĩgũrẽ opatarirã ããrĩka! ¹⁹ Mũsã ĩgũrẽ opatarirã, Marĩpũya bayari merã mũsã basi gãme werenĩrãkoa. Salmos gojadea pũgue bayarire, gaji marĩ Opũre bũremu bayaridere ĩgũrẽ bayapeorãkoa. Mũsãya yũjũpũrãrĩgue õãrõ usũyari merã bayapeorãkoa ĩgũrẽ: “Õãtaria mũ”, ãrĩ bũremurã. ²⁰ Marĩpũ ããrĩpererire marĩrẽ õãrõ yãmi. Irasirirã marĩ Opũ Jesucristoyarã ããrĩsĩã, ĩgũ wãĩ merã Marĩpũre: “Mũ iridea õãtaria”, ãrĩnĩkõãka!

Su wii marã Cristoyarã ãsũ ããrĩrõ gããmea, ãrĩ gojadea

²¹ Mũsã ããrĩpererã Cristore gopepyari merã bũremurã ããrĩsĩã, õãrõ gãme pé bũremuka!

²² Mũsã marãposã nomerẽ ãsũ ãrĩ weregũra. Cristo marĩ Opũre marĩ pé bũremurõsũta mũsã marãpusãmarãrẽ õãrõ pé bũremuka! ²³ Cristo marĩrẽ ĩgũyarãrẽ oparosũta, marãpusãmarã mũsãrẽ ĩgũsã marãposã nomerẽ opama. Cristo

marĩrē ĩgũrē b̄remurĩ bumarārē taudi āārĩmĩ. Irasirigũ ĩgũ marĩ Op̄ũ āārĩmi. Marĩrē doregũ, marĩ dipuru āārĩmi. Marĩ, ĩgũya dup̄ũ irirosũ āārā. ²⁴ Irasirirā marĩ Cristore b̄remurĩ bumarā ĩgũrē pé b̄remurõsũta m̄sā marāp̄ukarā nome m̄sā marāp̄sāmarārē õārõ pé b̄remuka!

²⁵ M̄sā marāp̄sāmarādere weregura. Cristo marĩrē ĩgũyarārē maĩgũ, marĩya āārĩburire boabosadi āārĩmĩ. Irasirirā marĩrē ĩgũ maĩrõsũta m̄sāde m̄sā marāposā nomerē maĩka! ²⁶ Cristo marĩrē boabosadi āārĩmĩ ĩgũyarā āārĩmakũ irigũ. Irasirigũ, marĩ ĩgũ werenĩrĩrē b̄remumakũ, deko merā gurarire koebéoro irirosũ marĩrē ñerĩ opamerā āārĩmakũ iridi āārĩmĩ. ²⁷ ĩgũ irire irasirimakũ, marĩ ĩgũ ĩũrõrē neõ mérõgā ñerĩ opamerā, gurari marĩrā õārõ deyorā irirosũ āārĩrākoa. ĩgũyarā õārā dita āārĩrākoa. Irasirigũ: “Yaarā āārĩma”, āĩ, ɯsuyari merā marĩrē opagũkumi.

²⁸ M̄sā marāpokarā m̄sā marāposā nomerē maĩrõ gāāmea. Sugũ ĩgũ marāpore maĩgũ, ĩgũ baside maĩmi. Irasirigũ Cristo marĩrē ĩgũya dup̄ũ irirosũ āārĩrārē maĩrĩ merā korerosũta m̄sā marāposā nomerē maĩrĩ merā õārõ koreka! ²⁹⁻³⁰ Neõ marĩya dup̄ure ñerõ waamakũ gāāmebea. Marĩ basi marĩya dup̄ure korea. Marĩ Cristoyarā āārĩrā ĩgũya dup̄ũ irirosũ āārā. Irasirigũ Cristo marĩrē õārõ koremi. ³¹ Marĩp̄uya werenĩrĩ gojadea pũgue āsũ ārĩ gojasũdero āārĩbũ: “Sugũ ɯmũũ nomeõrē marāpokũgũ, ĩgũ pagusāmarārē wirigũkumi ĩgũ marāpo merā āārĩbu. ĩgũsā pērā āārĩkererā, Marĩp̄ũ ĩũrõrē su dup̄uta āārĩrākuma”, ārĩ gojasũdero āārĩbũ. ³² Iri go-

jadeare õārõ pémasĩduamakũ, diasagoráa marĩrẽ. Irasũ ãārĩkerepuru, yu irire: “Ãsũ ãrĩduaro yáa”, ãrĩ werea. Cristoyará Marĩpu iũrõrẽ su duputa ãārĩma. ³³ Gaji i marẽ musãrẽ ãrĩ werenemogura doja. Musã basi korerosũta musã marãposã nomedere maĩrĩ merã koreka! Musã nomede musã marãpusãmarãrẽ õārõ goepeyaro merã pé buremuka!

6

¹ Musã majĩrãrẽ ãsũ weregura. Musã marĩ Opure buremurã musã pagusãmarãrẽ õārõ yujuka! Irasiriri, õārĩ ããrã. ²⁻³ Iripoegue Marĩpu ĩgũ pe mojõma dorerire pígu, su dorerire ãsũ ãrĩ pídi ãārĩmĩ: “Musã pagusãmarãrẽ õārõ buremuka!” ãrĩ pídi ãārĩmĩ. I dorerireta pígu, gajidere pídi ãārĩmĩ. “Īgũsãrẽ irasũ buremurã, i nikũguere yoaripoe usuyari merã ãārĩrãkoa”, ãrĩdi ãārĩmĩ.

⁴ Musã pagusãmarãdere ãsũ ãrĩ weregura. Musã pũrãrẽ buro turiri merã ĩgũsãrẽ guamakũ iribirikõaka! Ãsũ gapu irika! Īgũsãrẽ marĩ Opuyare bueka, ĩgũrẽ buremuburo, ãrĩrã! Īgũsã, ĩgũ dorerire iribirimakũ ĩãrã, ĩgũsãrẽ: “Ãsũ gapu irika!” ãrĩ bueka! Irasirirã ĩgũsãrẽ õãrã masãmakũ irirãkoa.

⁵ Moãboerimasãdere ãsũ ãrĩ weregura. Musã i nikũgue ãārĩrãrẽ musã oparãrẽ õārõ yujuka! Õãrõ buremurĩ, goepeyari merã moãboeka! Irasũ moãboerã, Cristore moãboerã irirosũ yáa. ⁶ Musã oparã iũrõ moãrõsũta, ĩgũsã ĩãberoguedere moãka! Īgũsã iũrõ direta õãrõ moãrã, ĩgũsã musãrẽ: “Õãrõ moãma”, ãrĩ gũñamakũ iriduarã dita ãārĩboko.

Irasirirã ĩgũsã ĩãberoguedere õãrõ moãka! Cristore moãboerã irirosũta Marĩpũ gããmerõsũ õãrõ merã moãka! ⁷ Mũsã masakare moãboerã ããrĩkererã: “Cristore moãboerã irirosũ ããrã”, ãrĩ gũñaka! Irasirirã mũyari merã moãboeka mũsã oparãrẽ! ⁸ Irire masĩsiãa mũsã. Marĩ Opũ Cristo marĩrẽ õãrõ moãrãkũre õãrĩ wajatamakũ irigũkumi. Irasirigũ moãboerimasã ããrĩrãrẽ, ããrĩmerãdere marĩ õãrõ moãderopãta marĩrẽ õãrĩ wajatamakũ irigũkumi.

⁹ Oparãdere ãsũ ãrĩ weregũra. Mũsãrẽ moãboerãrẽ õãrõ irika! ĩgũsãrẽ wajamoãduari merã dorebirikõãka! Ire õãrõ pẽmasĩka! Marĩ Opũ Cristo ãmũgasigue ããrĩgũ, mũsã Opũ ããrĩmi. ĩgũta mũsãrẽ moãboerã Opũ ããrĩmi. Marĩ ããrĩpererã ĩgũrẽ moãboerã ããrã. Irasirigũ oparã ããrĩrãrẽ, ããrĩmerãdere sũrosũta ĩãmi marĩ ããrĩpererãrẽ.

Cristoyarã wãtĩrẽ tarinũgãrĩmarẽ gojadea

¹⁰ Mũsãrẽ ãsũ ãrĩ weretũnugũra. Mũsã, marĩ Opũyarã ããrĩsĩã, ĩgũ merã õãrõ ããrã. Irasirirã ĩgũya turari merã ĩgũrẽ gũñaturaka! ¹¹ Wãtĩ ãrĩgatori merã mũsãrẽ ñerõ iridoremakũ, Marĩpũ iritamurĩ merã ĩgũ ñerĩ ãrĩmesãrĩrẽ kãmutaka! Sugũ surara kãmutari kõme surĩro sãñadi irirosũ ããrĩka! ¹² Marĩrẽ Marĩpũ dorerire tarinũgãmakũ iridũarã, masak-
 agora meta ããrĩma. Wãrã ñerã: ãmarõ marã, oparã, turarã, i ãmũma ñerĩrẽ iridorerã ããrĩma. Deyomarĩrã, masakare gũñarĩgue ñerõ iridorerã ããrĩma. ¹³ Irasirirã mũsã, surara ĩgũya kõme surĩro sãñadero pũrũ, ĩgũ merã gãmekẽãduarãrẽ kãmuta tarinũgãmasĩgũ irirosũ ããrĩka! Irasirirã, Marĩpũ iritamurĩ merã wãtĩrẽ kãmuta tarinũgãrãkoa. ĩgũrẽ tarinũgãrã, gũñaturarã dujarãkoa.

14 Āsū irika, wātīrē tarinugāmurā! Marīpuya werenírī diayema āārīrērē ōārō pēduripíka! Irasirirā mūsā surara ĭgūya surírore yujwēñarída merā ōārō yujwēñadi irirosū āārīrākoa. Marīpu iritamurī merā diayema irika! Irasirirā mūsā surara ĭgūya koretibi kāmūtari kōme suríro sāñadi irirosū āārīrākoa. 15 Marīpu masakare siuñajārī sīburi kerere weregorenarā waamurā ōārō āmuyuka! Irasirirā mūsā surara sapatu sāñadero pūru, ĭgū waaburire ōārō āmu ododi irirosū āārīrākoa. 16 I āārīpererire iri odo, gajidere irika, wātīrē tarinugāmurā! Mūsā Cristore b̄remurīrē neō piribirikōāka! Irasirirā mūsā surara ĭgū kāmūtari kōmeti opagu, iriti merā gārūyuku peame opari yukure kāmutagu irirosū āārīrākoa. Irasirigu wātī mūsārē bokatīūbirikumi mūsā Cristore b̄remumakū ĭāgū. 17 “Cristo marīrē taugakumi”, ārī gūñaníkōāka! Irasirirā mūsā surara ĭgūya dipurugue kōme pero peyarosū āārīrākoa. Gajidere irika! Marīpu werenírīrē Ōāgū deyomarīgū mūsārē masīrī sīrī merā wereka! Irasirirā mūsā surara ĭgūya sareri majī opagu irirosū āārīrākoa. Iri merā wātīrē tarinugārākoa.

18 Irasirirā ūm̄rikū Ōāgū deyomarīgū gāāmerōsūta Marīp̄re sērēnīkōāka! Ōārō gūñaka! ĭgūrē sērērērē neō piribirikōāka! Āārīpererā ĭgūyarāya āārīburidere sērēbosaníkōāka! 19 Yūdere Marīp̄re āsū ārī sērēbosaka! “ĭgū weremakū iritamuka, ĭgū m̄yare gūiro marīrō ōārō wereburo, ārīgū”, ārī sērēka! Irasirigu Marīpu masakare Cristo merā tauburire yu ōārō weregūkoa ĭgūsā iripoegue masībirideare masīburo,

ãrĩgũ. ²⁰ Marĩpũ yũre iriumi Cristoya kerere weredoregũ. Yũ irire weredeã waja peresugue ããrã. Irasirirã Marĩpũre: “Irogue ããrĩgũ, gũiro marĩrõ mũyare wereburo”, ãrĩ sêrêka!

Pablo, Efeso marãrẽ õãdoretũnudea

²¹ Tĩquico, marĩyagũ marĩ maĩgũ, yũ merã ããrĩmi. Ĩgũ marĩ Opũyare õãrõ iritamunĩkõãmi. Mũsã pũrogue ejagũ, yũ iririre mũsãrẽ weregũkumi. Irasirirã mũsã yũre: “Irasũta iriĩnumi”, ãrĩrãkoa. ²² Irasirirã gũã ããrĩrikũrere mũsãrẽ weredorerã ĩgũrẽ iriua. Ĩgũ irire weregũ, mũsãrẽ mũyari merã ããrĩmakũ irigũkumi.

²³ Marĩpũ ããrĩnĩgũ, marĩ Opũ Jesucristo ããrĩpererãrẽ mũsãrẽ siuñajãmakũ iriburo. Mũsãrẽ Cristore bũremurĩ merã õãrõ gãme maĩmakũ iriburo. ²⁴ Marĩpũ ããrĩpererã marĩ Opũ Jesucristore maĩnĩrãrẽ õãrõ iriburo. Irasũta iriburo.

Iropãta ããrã.

Pablo

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
1a0774e8-d152-5929-891b-95e0d2238786